

De Probatis|| Sanctorvm|| Historiis

Partim|| Ex Tomis Aloysii Lipoma-||ni, Doctissimi Episcopi, Partim Etiam||
Ex Egregiis Manvscriptis Codicibvs, Qvarvm permultæ antehàc nunquàm
in lucem prodiêre

Complectens Santos Mensivm || Ianvarii Et Febrvarii

Surius, Laurentius

Coloniae Agrippinae, 1576-

VD16 S 10258

De S. Seuerino abate Agaunensi.

[urn:nbn:de:hbz:466:1-77365](https://nbn-resolving.de/urn:nbn:de:hbz:466:1-77365)

VITA S. SEVERINI ABBATIS AGAVNENSIS,
PER FAVSTVM PRESBYTERVM CONSCRIPTA,
sed quod in plerisque videretur esse verbosior, per F. Laurentium
Surium redacta in compendium.

Eatus Seuerinus, religiosus Dei cultor, parentes habuit generis nobilitate conspicuos, qui cum à prima aetate in literis & pietate instituendum curarunt. Tandem eousque in scientia & vita integrata progressus est, ut dignus existimatius sit, qui insigni Agaunensium monasterio, ubi fortissimus Christi martyr Mauritius quiescit, Abbas presicere. Virtutum enim eius bonus odor iam longe lateque se diffuderat, & cunctis eum celebrem reddiderat atque venerabilem. Carnis vel generis splendorem longe supererabat mentis generositate & virtutum gloria. Feruebat namque in illo Dei amor, animi inuisita cernebatur patientia, ed mandae carnis ingens studium, & multa cibi potusque parsimonia. Insistebat acriter & strenue sanctis precibus, sciens scriptum esse: Petite, & accipietis. Magna illi aderat animi compunctione, qua fiebat, ut esset semper ad celestia suspensus, vbertimque lachrymans, vota sua Domino ardenter offerret, cum Apostolo cupiens dissolui, & ruptis cor- potis vinculis, ad illam bearam patriam proficiisci, & esse presentis ad Dominum, id enim multo melius. Sed inter hec omnibus le prebeat affabilem, qui consilij aut solatii captandi causa ad ipsum accessissent: infirmis quoque fratribus adhibebat paternæ adhortationis fomenta: ita quidem sibi & Deo intentus, ut tamen aliorum salutem nulla ratione negliceret.

Ea tempestate Clodoueus rex Francorum in acrem febrem incidit, quæ multo tempore cum vehementer afflixit. Vt autem ad eum perlatus est rumor sanctitatis beati Seuerini, hortantibus eum amicis, misit homines, qui virum Dei cum omni humilitate obsecrarent, vt ad ipsum accedere, & suis precibus sanitatem à Domino ipsi impetrare dignaretur, quandoquidem medicorum opera omnis fruſtrā in ipsum collata, nihil diuturno morbo remedij attulisset. Fuit hoc ita diuinitus procuratum, vt vir sanctus ea occasione ad regem profecitione suscepit, illis in locis permultorum saluti & utilitati proficeret. Nec ea res molesta fuit regijs medicis: immò verò Tranquillinus, illustris vir & in arte medica benè versatus, regem admonuit, vt virum sanctissimum ad se accersiret: simul exponēs regi virtutes beati viri, quām multi ab eo curarentur varijs oppressi morbis, & à dēmonijs vexati. Ita factum est, vt quemadmodūm diximus, rex ablegaret suos ad virum Dei, qui celeriter curarent illum adesse Parisijs, vbì rex tum morabatur. Et illi quidem, quos miserat rex, diligenter in eam curam incubuerūt, vt regis iussa execuerentur: & cùm ad Agaunēse monasterium peruenissent, Abbatis appellandi copiam sibi fieri poposcerunt. Ille verò accessit ad eos, salutatusque est ab eis admodūm reuerenter, & his verbis compellatus: Dominus noster, tuæ aeternæ prosperitatis deuotus amator, Clodoueus rex te multū saluere iussit, precaturq; vti nè graueris ipsum inuisere. Nam valdè diffīcili conflictatur a gritudine, & spe bona nititur, fore vt tuis sanctis precibus à Domino obtineat pristinam virum incolumitatem. Medici enim nihil sua arte & industria efficere potuerunt.

His auditis, vir sanctus, ut erat piissimus, mox respondit, se regis precibus minimè defuturum. Id verò tanto propensiùs fecit, quòd iam antè visione & reuelatione angelica cognouerat se aliò migraturum, alibi & vitæ finem, & corporis sepulcrum habiturum. Postea rem ad fratres omnes cœnobij refert, cum multa cordis pietate, compunctione & benevolentia, multisque cum lachrymis ita eos alloquens: Ego quidem, fratres mei dilectissimi, iam discessurus, valde me commendo orationibus vestris: petoq; & obsecro, vt sicut haec tenus, ita deinceps quoquè fides integra, spes inconcussa, & fereuens charitas perseverent apud vos. Confidite, queso, in Domino, & agite viriliter, & confortetur cor vestrum in gratia Dei, quæ est in Christo Iesu Domino nostro. Quòd ad me quidē attinet, notum vobis facio fratres mei, quòd in hac mortali carne me post-

hac visuri non estis. Mihi enim diuinitus patescatum est, in castro Nantonieni me non
 Fratres mul tūl pōst ex hac vita decessurum. Hęc cūm ille dixisset, magnus omnium repente lū-
 tum dolent ētus & fletus ortus est, aiuntque ad illum: Abba pater, nē derelinquas nos, neque defe-
 cius abitu.
 ras gregem tibi à Christo Domino commendatum, quem hucusq; paterno affectu
 benignè & amanter fouisti. Dolebant certe vehementer tantum patrem sibi auferri,
 maximè quod audiuissent non se illum amplius conspecturos in hac vita. Ille verò sic
 eos lachrymantēs mōrentesque considerans, Nolite, inquit, fratres mei, nolite hac de
 causa contristari. Oportet enim nos diuinā parēre voluntati. Deindē iubet itineri ne-
 cessaria præparari, eosq; blandē consolatus, impertita quoquè benedictione, profe-
 Atus est.

Peruenit autem in ipso itinere ad oppidum Niuerense, ibique orandi causa tem-
 plum ingressus est: cumque à custodibus esset sciscitatus, vbi episcopus esset, illique re-
 spondissent, eum iam diū grauter decumbere, loquendi quoquè & audiendi beneficio
 priuatum, toto anno ē lecto surgere non potuisse, & neque sacrificasse interīm, neque
 populo benē precatum esse: vir sanctus misericordia permotus, ad Eulalium pōtificem
 lecto inhērentem festinus accedit, visoq; illo se prosternit, diuque Dominum feruen-
 ter orans, ē terra surgit, dicitq; surdo & muto episcopo: Loquere, oro, mecum sacer-
 dos Domini. Tum ille: Sit, inquit, nomen Domini benedictum in secula, qui per te mei
 misertus est. Et S. Seuerinus porrigens ei manum, Surge, ait, serue Dei in nomine Do-
 mini nostri Iesu Christi, qui te propterea castigauit, vt saluum faceret: idē flagellauit,
 Eulalium episcopum surdū, mu-
 tum lectoq;
 decubens ut coronaret. Hodiē mecum in altari sacrificabis, & pro more populo benedictionem
 tem sanat. largieris. Sub his verbis totus sanus surrexit Eulalius, laudes gratesque agens Deo, qui
 per seruum suum Seuerinum ab ipso mortis limine ad vitam & sanitatem ipsum reuo-
 cāsse: eademq; die Missam celebrauit, & populo benedixit. Multi sanē yifo tanto mi-
 raculo obstupecebant, agebantque gratias Deo pro restituē sibi pastore. Et illo qui-
 dem die mansit apud eum B. Seuerinus, diuinis cum illo laudibus vacans, postridiē verò
 illi valefaciens, cœptum prosequebatur iter, tandemq; Lutetiam perueniens, in ipsa
 vrbis porta leprosum consipit, valde miserum & omni consolatione desitutum. Eum
 Leprosum curat.
 igitur ad se vocat, osculatusq; per amanter, dicit illi: Quid tibi vis præstari fili mi? simulq;
 sputo eum liniens, & Dominum inuocans, lepram omnem prorsus ab illo expulit. Ibi
 Clodouē regē febre liberat.
 tum crumpūt omnes in laudem Dei, qui per seruum suum talia efficeret. At vir sanctus
 humanos vitans fauores, properè indē abiit templum versūs, ibique sedans orationi, à
 Deo opem postulauit: indē ad regis aulam se confert, eoq; salutato, procumbit in pre-
 ces, ijsq; absolutis, casulam, qua induitus erat, super regem ponit, & cōfessim febre pro-
 fligata, rex surrexit incolumis, gratias agens Deo, & flexis genibus eius seruum Seueri-
 num venerans, cuius precibus salutem repente esset consecutus.

Mansit autem aliquandiu apud eum beatus Seuerinus, multosq; tum aulicos, tum
 ciues Parisienses, depulsis morbis & malis, quibus premebantur, fusa ad Deum prece, sa-
 luti reformauit. Letabantur ceci, post longas tenebras cali lumē adspicentes, surdi se
 audire gratulabantur, claudi ingrediebantur alacres, muti racentia diū ora in creato-
 ris laxabant laudes, dæmoniaci à teterim orum spirituum vexatione se gaudebant ab-
 solutos. Eiusmodi verò mirificis operibus vir Dei creuit apud omnes præclara suī ex-
 istimatione, & laudabatur Christus in fideli seruo suo. Rex quoquè Clodoueus potesta-
 tem ei fecit, quātam vellet pecuniam accipiendo ex thesauris ipsius, & pauperibus clar-
 giendi. Tum præterea è carcéribus abcundi copiam fecit omnibus, quos vir Dei cen-
 suisset dimittendos: quorum sanè ingens fuit numerus. Attulit ea res multis incredibi-
 lem iucunditatem, quia iam nihil expectabant aliud, nisi vt diuersis affecti supplicijs sin-
 terimerentur.

At verò vbi sensit homo Dei aduentare tempus, quo cum morte vita esset commu-
 tanda, immō vero à morte corporis huius, & ab hoc exilio migrandum ad veram vitam
 & ad patriam charitatis æternæ, regi & Parisiensisibus valedicens, ad Castrum Nantio-
 nense properauit, vbi oratorium erat ex lignis constructum, in quo presbyteriduo Pa-
 schalius & Vrscinus Deo ministrabant, de quibus illi Dominus significārat, quod illo-
 rum opera esset mandatus sepulturae. Ad illos igitur accessit, & comiter eos alloquens,
 indicauit se propterea eō aduenisse, vt illic vita funētus, ab illis sepeliretur. Deindē eti-
 am commendauit illis Faustum presbyterum, fidelem vt ipse eum vocat, necessitatibus sue
 mini-

Abit ad Ca-
strum Nan-
tonense.

ministrum, qui triginta annis assiduus in eius ministerio fuisse: itemque Vitalem monachum, discipulum suum. Porro presbyteri illi Paschasius & Vrsicinus honorifice vivum sanctum exceperunt, qui iam ad imminentem huius vitæ supremum diem sese cum multis lachrymis assiduisque precibus religiosè preparabat, ut posset venienti iudicilètus & expeditus occurere. Postremò vbi ventum est ad vndeclimum mensis Februarij Moritur die, felicem spiritum in manus sui efflauit creatoris. Ut autem testati sunt, qui mori- vir sanctus. enti aderant, totus ille locus, in quo decubuit, multo lumine circundatus fuit ea hora, qua decessit. Postquam autem obdormiuit, Paschasius & Vrsicinus corpus exanimè, ita ut moris erat, abluerunt, indutumque vestibus summo cum honore in supradicto oratorio terra condiderunt: vbi hodieque ad eius sepulcrum multa preclara fiunt miracula, glorificante Christo seruum suum. Postea, vbi defuncto Clodouco, filius eius Childebertus regnum obtinuit, recordatus ille virtutum beatissimi Seuerini, & quemadmo- Miracula ad sepulcrum eius. dū in patrem Clodoucum à molestissima febre repente liberasset, omnino rationi consentaneum putauit, ut super eius monumentum ædes augustior & sublimior fabricaretur. Idque coiubente curatum & effectum est, templumque iam constructum idem rex etiam regis munieribus auxit, cupiens apud Deum sancti viri precibus adiuuari & eius patrocinia promereri.

SANCTI PATRIS NOSTRI IOHANNIS CHRYSTOTM SOSTOMI ARCHIEPISCOPI CONSTANTINOPOLI.

Encomium sancti Meletij Archiepiscopi Antiocheni, & de studio eo.
rum, qui conuenerant. Citatur hoc Encomium à septima Synodo,
Actione 4. Extat autem in Metapraestate.

Per venerandum & sacrum hunc gregem oculos ubique cir- JEBRA. II.
cunferens, & vniuersam ciuitatem adspiciens hic presentem, Exemplar
nescio quem prius beatum pronunciem: sanctum ne Me- Aloysij ex-
letium, quod vel post mortem tanto honore fruicit: an ve- cufum ha-
stram charitatem, quod tantam in vestros Pastores bene- bet 14. sed
uelontiam etiam post decessum osteditis. Beatus enim ille, puto men-
quod tantum amorem vobis omnibus potuerit immitte- dum esse.
re: Beati vos quoquè, quod cum charitatis depositum ac-
cepitis, eam ci, qui depositum, integrum hucusque perpe-
tuò conservaueritis. Quintus enim annus iam preteriit, ex
quo ille migravit ad Iesum, quem desiderabat: & perinde ac si
heri & nudius tertius eum vidisset, tam feruēti amore ad eum hodiè accessistis. Pro-
pterea beatus ille est hodiè iudicandus, quod tales generuit filios. Beati autem estis vos
quoquè iudicandi, quod vobis obtigerit, ut talem patrem haberetis. Egregia est radix &
admirabilis: sed fructus quoq; nō sunt indigni hac radice. Etenim quo modò radix que-
piam admirabilis, qual latet in sinu terræ, ipsa quidem non apparet: per fructus autem
ostendit vires sue virtutis: Ita etiam beatus Meletius in hac capsula coditus, ipse quidem
non certitur à nobis oculis corporis: per vos vero, qui estis fructus, ostendit vires sue
gratia. Et nos quidem sileamus. sufficit enim dies festus & feruor vestri studij, ad tuba clari-
rus proclamandum sancti Meletij in vos amorem tanquam in filios. Sic enim vestras
mentes accedit ad suum amorem, ut vel ad solum nomen incalescatis, & excitemini ad
ipsam appellationem.

Propterea ego quoquè nunc non temerè, sed studio & dedita opera, id in meis verbis
annecto assidue, & perinde ac quispiam, qui coronam texit auroram, margaritas deinde
inserens, gemmarum frequentia preclarus efficit diadema: ita ego quoquè beato eius
capiti coronam texens encomiorum, veluti margaritarum quarundam frequentiam,
orationi ad te continuationem eius appellationis: sperans fore, ut sic eam iucundior-
rem reddam & splendidiorum. Solent enim amantes eorum, quos amant, vel nuda com-
plete nomina, & incalescere ad ipsas appellationes. Quod vobis quoquè in hoc beato
vsiuenit. Nam cum eum à principio in ciuitatem ingressum ceperissetis, vnuquisq; fili Meletij no-
men quam
um suum appellabat ab illius appellatione: per appellationem existimans vnuquisq; in gratu An-
tiochenis.
OOOO 3 domum